



MJEŠOVITI BRAK "Sandra je potekla iz srednje gradske klase, kao i ja, jedino su nam nacionalnost i vjeroispovijest drugačije (*smijeh*), ali miješani brakovi su jedna od lijepih stvari koje se događaju na ovim prostorima. Njeni su porijeklom iz Like, ali su pravoslavci, dok su moji porijeklom iz Vojvodine, ali katolici"

sionalno. Kad su prošli ratovi na ovim prostorima to se činilo jedinim mogućim rješenjem ako nisi, tumači današnji vladar žute štampe, želio ovisiti o vlasti s jedne strane i stranim fondacijama s druge.

Njegov život mimo izdavačkih projekata izgleda otprilike ovako: od trideset dana mjesечно, deset ili petnaest provede na putu, poslovno ili privatno. U maju je išao na avanturističko putovanje s prijateljima: obišli su Estoniju, Litvaniju, Bjelorusiju, Letoniju, gdje su odsjedali po hostelima. U sedam dana vidjeli su pet gradova, a Roberta je posebno radovala činjenica da im je društvo pravio njegov sestrć, te kolege s posla. Kad nije na putovanjima, u suštini je, s osmijehom veli, "dosadan i miran čovjek". Ustaje rano, poslije doručka pokupi *coffee to go*, navika koju je pokupio u Americi, ide na posao, radi, ode na bazen, vrati se kući, prošeta psa, vozi bicikl, igra se s djecom, ponekad izade u neki klub, ali daleko više cijeni odlazak u pozorište. "Često odem u Beograd zbog poslovnih obaveza, ali nikad nisam razmišljao o tome da se tamo preselim. Novi Sad je za život

mnogo bolji od Beograda. A osim toga, uvijek imam izgovor da negdje ne moram da se pojavim, jer, kao, teško se organizirati kad dolaziš iz Novog Sada", s osmijehom govori.

Žena za čitav život

Trudi se da bude maksimalno posvećen očinskim dužnostima i da provodi što više vremena s kćerkicama Elenom (6) i Indijom (3). Na vlastitom primjeru uvjerio se da je odgoj djece najvažniji biznis projekat u životu. "Loša djeca unište sve, firmu, posao, a dobro vaspitana djeca čuvaju ili unaprijede svaki porodični biznis", kaže.

Jedna privatna šala između supružnika Čoban oslikava početak njihove ljubavne priče: danas kad Robert Sandru nagovara da idu u pozorište pogledati neku predstavu, a njoj se ne ide, kaže mu: "Nisam te pronašla u pozorištu nego u kafani!" Upoznao ih je zajednički prijatelj u kafiću, a poslije neobavezognog druženja njihova veza pro-

POSAO I BENEFITI

"Bavim se poslom koji dolazi uz određene benefite: recimo, puno stvari u životu uopšte ne moram da platim, već kompenzujem. Osamdeset posto svojih putovanja ja kompenzujem kroz razne marketinške oglase."

dubila se 2003. Otputovali su na ljetovanje u Tursku i tamo je Robert shvatio da želi sa Sandrom provesti ostatak života. Kupio je prsten u hotelskoj zlatari, sakrio ga u patike, sačekao Sandru da mu se pridruži u bazenu ispred hotela i zaprosio je u vodi. "Sandra potiče iz srednje gradske klase, baš kao i ja, jedino su nam nacionalnost i vjeroispovijest drugačije (*smijeh*), ali miješani brakovi su jedna od lijepih stvari koje se događaju na ovim prostorima. Njeni su porijeklom iz Like, ali su pravoslavci, dok su moji porijeklom iz Vojvodine, ali katolici", govorи Robert.

Za sebe kao šefa kaže da je "ubica s osmijehom": nikad ne diže glas, ne više ni na koga, ali kaže da postoje vrlo razrađena mjerila o tome



Ekipa magazina *Hello!* na konferenciji u Madridu

šta je čiji posao i dok god se ljudi drže pravila nema potrebe za sankcijama ili kaznama. "Moja rođena sestra jednom je napravila grešku: na naslovnoj strani *Lepote i zdravlja* stavila je pogrešnu cijenu magazina, što je izazvalo štetu od 3.000 eura. Njoj je tih 3.000 odbijano od plate narednih godinu dana. Bio sam dovoljno fer da joj taj novac uzmem na rate. To što je moja sestra nije je amnestiralo od posljedica", govorи Čoban. Kriza ga, priznaje, nije osiromašila, naprotiv. Uspio je izvući korist iz recesije tako što je shvatio da je sve stvar umjerenosti i spoznavanja sebe, kao i mesta gdje se nalazi. "Svi smo se nekako prije krize bili zanjeli i svi smo gledajući *Seks i grad* mislimi da živimo na Manhattanu. Nažalost, radimo na ovom balkanskom tržištu i moramo da se ponašamo tako." ■